


Lankidetza kontsortzialeko jarduerak



Lankidetzak kontsoztzialeko jarduerak

Sarrera

Euskal Aurrezki Kutxek sozietate bateratuak dauzkate eratuak hainbat eremutan: esate baterako, bitartekaritzako jarduerak kapitalen merkatuan, aseguruaren eta aurreikuspenaren munduan, zerbitzu informatikoetan eta bestelako eremu espezializatu batzuetan.

Kapitalen merkatua

Norbolsa S.V.B. Errenta aldakorrek merkatuek eboluzio dibergentea izan dute 2010. urtean. Horrela, AEBetan Dow Jones indizeak +% 11ko eboluzioa izan du, S&P indizeak +% 12koa eta Europan Eurostoxx indizeak -% 5,3koa. Eta merkatu europarraren barruan ere dibergentzia horixe azaldu da "core" deitu herrialdeen (Alemanian +% 16,1ekoa) eta herrialde periferikoen artean (Espainian, -% 17,4koa).

Testuinguru zail horren baitan, Norbolsak emaitza positiboarekin itxi du 2010. urtea: 1.668.786 euroko irabazia zergen aurretik eta 1.461.678 euroko irabazi garbia. Eta horrek % 9,5eko ROEa esan nahi du.

Norbolsak ekitaldian izandako bitartekaritza-bolumen totala 10.500 milioi euroraino igo da, eta horri esker hirugarren postuan dago kokatua Bilboko Burtsan, % 4,3ko merkatu-kuotarekin. SIBEn kontratatzen den errenta aldakorrari dagokionez, berriz, 3.179 milioi euroko baliabide-bitartekaritza egin du Norbolsak 2010. urtean, SIBEn 2009an egindako bolumena errepikatuz ia.

2010eko ekitaldian nabarmentzeko moduko bi jarduera korporatibo burutu izan dira: aurrenekoa, Iberdrola Dibidendu Malgua eragiketaren erakunde eragile izendatua izaterakoan, eta bigarrena Eusko Jaurlaritzak egindako Zor Publikoaren ondoz ondoko hiru bonu-jaulkipen instituzionalen gidaritza hartuz, 422 milioi euroko zenbatekoarekin guztira.

Norbolsak, ingurune konplexu batean, balio erantsiko inbertsio-zerbitzuak emateko espezializatua dagoen faktoria moduko bere jarreraren



balioa berresten du behin berriz, eta sendotasun finantzario handia eta posizionamendu lehiakorra erakusten ditu gaur egun burtsako sozietateen sektorean.

Aseguruak eta pentsioak

Biharko Vida y Pensiones, Compañía de Seguros y Reaseguros S.A.

Konpainiaren helburua Bizi Aseguruaren negozio-adarra lantzea da, eta baita Pentsio Funtsen eta BGAEen kudeaketa aurrera eramatea ere. Konpainiaren akziodunak diren hiru Aurrezki Kutxen bulegoak dira bere banaketa-sarea.

Primen bolumena 59,81 milioi eurokoa izan da, % 22ko gorakadarekin aurreko ekitaldiarekin alderatuz gero. Polizen kopurua 251.094koa da gaur egun. Bestetik, kudeatutako aurrezkiaren bolumena 526 milioi eurotan kokatu da.

Pentsio Funtsen eta BGAEen Kudeatzaile gisa duen jarduerari dagokionez, Biharko Vida y Pensiones-ek 18 Pentsio Funtsetak eta 5 BGAEtakoak diren 463 milioi euroko ondarea administratzen du, izanik partaideak 55.521 guztira.

Ekitaldiko emaitza, zergen aurretik, 7,2 milioi eurokoa izan da.

Biharko Aseguradora

Etxeko Arriskuanitza aseguru eta Ordainketak Babesteko aseguru dira Biharko Aseguradora sailaren produktu nagusiak, eta urtean zehar portaera oso positiboa izan dute bataz bestek, aurreko ekitaldien bide beretik.

Kudeatutako polizen bolumena 281.418koa izan da, aurreko urtekoa baino % 4,7 handiagoa, eta negozio-bolumena 58,4 milioi eurotan kokatu du horrek, 2009. urtekoaren % 31,5 goitik.

Zergen aurreko emaitza 8,6 milioi eurotaraino iritsi da.



Zerbitzu informatikoak

Seriyor

Informatikaren alorreko premiei erantzuna ematen saiatzen den sozietate honek hainbat jarduera eta proiektu garatu ditu 2010. urtean zehar.

seriyor

Ordainbideen atalean, ohizko euskarri-jardueraz eta aurrezki-kutxa erabiltzaileen negozio-alorrek egindako eskaerei erantzuteaz gain, hainbat eskakizuni eman die erantzuna zerbitzuak: esaterako, maula atzeman eta kontrolatzeko lana, edota AMEX eskuratzearen inkorporazioa, batzuk aipatzearen. Halaber, aplikazioaren hardwarearen eta softwarearen konfigurazioa eguneratzeko proiektua burutu da.

Hiru Aurrezki Kutxen autozerbitzuko aplikazioei dagokienez, pixkanaka segurtasuneko estandarrik zorrotzenetara egokitzeko prozesuarekin jarraitu da (PCI-DSS, anti-skimming gailuak, etab.). Aplikazioaren eguneratze teknologikoa, garraio-txartelen ukipenik gabeko errekgaren tratamendua, edo ingresadoteen gailu berrien tratamenduaren txertaketa izan dira landutako beste esparru batzuk.

Horrez gain, errenta babestuko produktu berria merkaturatu da, aseguruaren kanpainak eta informazio estatistikoko eta kudeaketarako moduluak hobetu dira ekitaldian zehar.

Konpentsazio Klubari buruz, SEPA azpisistema, CORE zordunketak eta B2B berriak erakunde kide guztietara zabaldu dira.

Eta Seriyor-en jarduera-eremu diferenteen inguruan eskatutako eginkizunekin ere aurrera jarraitu da: helbideratzeak, euskarriak, kontabilitatea, funtsak, fakturak, higiezinaren sustapenak, etab., eta Expertis plataformaren inguruko aplikazioetarako Seriyor-en talde propioa ere sendotu da. Nominari eta Giza Baliabideei buruzko aplikazioen eguneratze teknologikoa egiteko proiektu edo egitasmo bateratuari ekin zaio.

Servatas



Tasazioko zerbitzuak egiten ditu sozietate honek euskal Aurrezki Kutxentzat.

Jarduera inmobiliarioak beherantz egin duen testuinguru batean, 22.284 tasazio egin dira guztira 2010eko ekitaldian zehar, eta horrek 5.818 mila euroko fakturazioa suposatu du.

Egindako tasazio guztietatik, % 63% Euskal Herrian egin da, eta komunitate horren atzetik Madrileko Erkidegoa dator, bertan jardueraren % 12 egin baita. Kasuen % 93an, tasazio-lanen helburua hipoteka-bermea izan da.

Luzaro

Luzaro Establecimiento Financiero de Crédito izeneko hiru euskal Aurrezki Kutxek eta bestelako erakunde finantzario batzuek, Eusko Jaurlaritzarekin lankidetzan sustatutako sozietate anonimoa da, eta bere helburu soziala epe luzerako partaidetza-maileguak ematea da, euskal ETEen egitura finantzarioa sendotzen saiatzeko.



2010ean 37,7 milioi euroko balioa duten eragiketak formalizatu dira, eta horietatik 35,7 partaidetza-maileguei dagozkie. Mailegu horien artean % 11k inbertsio-helburua izan dute, eta gainerakoak (% 89) finantzak sendotzera bideratu dira. Sozietateak 367 mila €-ko emaitza garbiarekin itxi du ekitaldia, eta horri esker gehitu egin dira Sozietatearen kaudimena eta bermea, bere funts propioak 16.158 mila €-tan kokatu baitira, eta horiei zailtasunak jotzen diren maileguen arriskuaren % 74 estaltzen duen kaudimengabezien kontrako funtsa osatzen duten 1.497 mila € gehitu behar zaizkio.

Sozietate Etxebizitza Eragileak

Euskal Aurrezki Kutxek 2000. urtetik hasita hartzen dute parte, bazkide finantzario nagusi moduan, eta Visesa Sozietate Publikoarekin batera, Alokabide eta Orubide izeneko Sozietateetan, izanik elkarte horien helburua etxebizitza-politika garatzea alokairuaren eta lurzoruaren eremuan hurrenez hurren.

Alokabide

Sozietate honen helburu behinena alokairua bultzatu eta sustatzea da, 35 urtetik beherako gazteek, baliabide ekonomiko urriak dituzten familia gurasobakarrek, eta baita erregimen bereziko etxebizitza babestua lortzeko baldintzak betetzen dituzten beste kolektibo batzuek ere etxebizitzak eskuratu ahal izateko sistema gisa.

Euskal Autonomia Erkidegoan babes ofizialeko etxebizitzaren zati handi baten alokairua kudeatzea da Alokabideren funtzioa, euren sustapen ofizialetatik datozen etxebizitzak edo baita Visesa-rekin kontzertatuak ere, eta beste erakunde batzuetako (Eusko Jaurlaritza edo Udaletako) etxebizitza-parketik datozenak.



2010. urtean sustapen berriak eskuratu dira, 27 milioi euroko zenbatekoan, 473 etxebizitza alokairuan jarri ahal izateko: etxebizitza horiek Gasteiz-Salburuan (123), Salburuan (48), Zabalgan (156), Zabalgan (126) eta Etxebarrin (20), daude kokatuak. Bestalde, Sozietatea alokairuko 2.452 etxebizitza ari da kudeatzen gaur egun.

Orubide



Sozietate honek bizitegi-lurzoruko eragile bezala jokatzeko du Euskal Autonomia Erkidegoan, jarraian lurzoru hori eragile publikoei nahiz pribatuei baldintza egokietan eskaintzeko, etxebizitza sozialen premiak edo eskasiak osatzeko, batik bat, eta baita etxebizitza librean ere, lurzoru mistoetan, arrazoizko prezioetan, dela aldez aurretik lurzoru eskuratuz edota lur-jabeen kontura hirigintzako jarduerara kudeatuz soilik.

2010. urtean 240 hektareako azalera hartzen zuten lursailak ari zen kudeatzen Orubide, eta horiek 13.908 etxebizitzatik gora egiteko adinako lurzoru urbanizatua eman dezakete, izanik horietatik 8.599 sustapen propioak erregimen babestuan..

GESFIR Back Office-ko Zerbitzuak

Euskal Aurrezki Kutxek, erakunde espezializatu batekin batera, badute sozietate berezi bat; sozietate horren helburua da hipoteka-eragiketei eta horiekin lotutako bestelako eragiketei buruzko dokumentuak (eskriturak, salerosketa eta kantzeldarioak, esaterako) kudeatzea eta izapidetzea.

Ekarpen

Euskal Aurrezki Kutxek (BBK, Kutxa eta Vital-ek), Eusko Jaurlaritzarekin eta Araba, Gipuzkoa eta Bizkaiko Foru Aldundiekin batera, EKARPEN Sozietatea eratu zuten 2008ko uztailaren 1ean, euskal enpresei globalizazio ekonomikoa, enpresen arteko lankidetzaren sustapena eta aliantza estrategikoak, edo euren finantzaketa eta kudeaketako ahalmenaren optimizazioa bezalako erronkei aurre egin ahal izateko modua emango dieten partaidetza industrialak hartzeko prozesuak kudeatzeko helburuarekin.

Sozietatearen inbertsioak enpresen sektorerara, oro har, bideratuak egongo dira, proiektu guztiek balioa sortzeko gaitasun potentzial handia eduki beharko duten arren. Eta zentzu honetan helburu gisa ezartzen da Euskadirentzat erakarmen estrategikoa duten sektore berritzaileei laguntzea, proiektuak neurri edo dimentsio egokia duen heinean.

2010. urtean Funtsak 94 milioi euroko zenbatekora iristen diren eragiketak dauzka hitz emanak, dela kapital sozialean hartutako partaidetzetan, edo baita partaidetzako maileguren bidez ere.